



REPUBLIKA E SHQIPËRISË

PROKURORIA PRANE GJYKATES SE SHKALLES SE PARE KRUJE

ANALIZË

E TREGUESVE KRYESORË TË PUNËS PËR VITIN 2021 TË PROKURORISË SË RRETHIT GJYQËSOR KRUJE

DREJTUAR :
PROKURORIT TË PËRGJITHSHËM
z.Olsian Çela

TIRANË

I nderuar Z. Prokuror i Përgjithshem!

Në mbyllje të vitit 2021 në zbatim të detyrimeve ligjore që rrjedhin nga Ligji nr. 97/2016 “Për organizimin dhe funksionimin e Prokurorisë në Republikën e Shqipërisë” “paraqes para Jush këtë material në të cilin përcaktohen arritjet dhe objektivat e realizuara gjatë ushtrimit të ndjekjes penale në fazën e hetimit paraprak dhe në gjykim, kryerjen e detyrimeve të tjera të parashikuara në ligj nga prokurorët dhe oficerët e policisë gjyqësore si dhe analizohen treguesit sasiorë dhe cilësorë në përgjithësi dhe në veçanti për secilin prokuror.

Kjo analizë është bazuar në drejtimitet dhe përparësitë tona në luftën kundër kriminalitetit dhe ka për qëllim përgjithësimin e përvojës pozitive, por njëkohësisht edhe evidentimin e mangësive dhe problemëve që kanë lindur gjatë këtij viti gjyqësor me synimin e vetëm përmirësimin e vazhdueshëm të

treguesve dhe goditjen në kohë dhe me efikasitet të veprave kriminale në territorin e Rrethit Gjyqësor në të cilin ajo ushtron aktivitetin e saj.

Në qendër të vëmendjes tonë gjatë vitit që analizojmë kanë qenë zbatimi me rigorozitet i Rekomandimeve Prioritare të Këshillit të Ministrave “**Për luftën kundër kriminalitetit për vitin 2021**“, marrjen e masave për zbatimin e aktivitetëve sipas planit të veprimit për “Zbatimin e rekomandimeve të Rezolutes së Kuvendit të Shqipërisë dt.14.06.2021 “ **Për vlerësimin e veprimtarisë së organit të Prokurorisë për vitin 2020**” të miratuar nga Prokurori i Përgjithshëm si dhe Udhëzimet e Prokurorit të Përgjithshëm të dala në funksion të tyre.

Gjatë vitit 2021 në lidhje me zbatimin e këtyre prioritetëve ka rezultuar se :

Në luftën kundër krimit të organizuar :

- Në krahasim me vitin e kaluar numri hetimeve proaktive ka qenë me i larte ,janë regjistruar 12 (dymbëdhjete) të tillë kryesisht për veprat penale në fushën e narkotikëve për të rritur efektivitetin dhe zbulueshmërinë për këtë grup veprash penale. Hetime të tilla kanë dhënë rezultate të kenaqshme mbasi rezulton se vetëm në kuadrin e një çështjeje për kultivim të bimëve narkotike sipas nenit 284/2 të K.Penal janë arrestuar **10** persona që merreshin me këtë aktivitet kriminal.

Përvec sa sipër kemi ende në hetim **11 (njëmbëdhjete) procedime** penale për veprën penale “Pastrimi produkteve të vepres penale dhe veprimtarisë kriminale”, parashikuar nga neni 287 i K.Penal. si dhe 13 (trembëdhjete) raste të hetimeve pasurore për veprat penale që lidhen kryesisht me narkotiket por edhe me vepra të tjera penale. Në lidhje me këtë referuar Udhëzimit të Prokurorit të Përgjithshëm nr.10, dt.17.07.2020 është caktuar një prokuror që do të ndjeke keto çështje i cili informon në mënyrë përmantente personin e kontaktit në Prokurorinë e Përgjithshme, është vënë në funksion regjistri i posaçëm për këtë kategori veprash penale dhe janë orinetuar prokuroret që në gjitha rastet kur konstatohen pasuri të vëna nga aktiviteti kriminal të fillojnë menjëherë hetimet. Gjithësesi duhet pranuar që për këtë kategori veprash rezultatet nuk kanë qenë ato që priten dhe që janë përcaktuar si prioritare edhe në Rekomandimet e Këshillit të Ministrave për luftën ndaj kriminalitetit. Ka zvarritje të pajustificueshme në hetim, ka mungesë profesionalizmi nga oficerët e policisë gjyqësore që kryejnë hetimin , nuk ka struktura të posaçme në Polici dhe oficerë të trainuar , ndodh që në shume raste prokuroret nuk adresojnë dot oficerin të cilit do ti delegohet çështja.

- Në kuadrin e zbatimit të planit të veprimit me EUROJUST janë marrë masa për sigurimin e kushteve të nevojshme për sigurinë e të dhenave personale. Në këtë kuadrin është trainuar personi që do të merret me zbatimin e këtij plani si dhe po përgatitet regjistri për komunikimet me Eurojust. Deri tani nuk kemi pasur raste të tilla.

- Nuk kemi pasur ndonjë rast të zbatimit të Ligjit 108/2016 ‘ Për vendosjen në regjim të posaçëm të të dënuarve/paraburgosurve për veprat penale të parashikuara nga ky ligj.

- Duke përfshirë sistemin TIMS dhe --Albania në databazat e tjera shtetërore akoma nuk kemi siguruar aksesin e dëshiruar dhe kjo ka krijuar pengesa për kryerjen e hetimeve të shpejta dhe me efektivitet.

- Me oficerët e policisë gjyqësore zhvillohen takime të shpejta ë interes të kuptimit dhe zbatimit të drejtë të ligjit por duhet theksuar se në përgjithësi, përfshi këtu edhe oficerët e policisë gjyqësore të seksioneve të Prokurorisë nuk janë në nivelin profesional të kërkuar.

- Ne fushën e garantimit të pavaresisë dhe përgjegjshmërisë së prokurorëve është synuar rregullimi i marrëdhënieve ndërmjet prokurorëve dhe drejtuesit të Prokurorisë për të siguruar një atmosferë transparente dhe besimi reciprok, rritja e rolit aktiv të tyre në hetimet paraprake dhe në gjykim, forcimi i standarteve të etikës, njohja dhe zbatimi me rigorozitet i Udhezimeve të Prokurorit të Përgjithshëm.

- Ne këto kuader janë marrë të gjitha masat për zbatimin e Udhezimit të Përgjithshëm nr.03, dt.21.06.2029 “ *Mbi masat administrative dhe procedurale në prokuroritë me juridiksion të përgjithshëm në periudhën para dhe pas zgjedhore*”, plotësuar me Udhezimim të Përgjithshëm nr.02, dt. 31.03.202. Për këtë problem Drejtuesi i Prokurorisë ka mbajtur kontakte të vazhdueshme gjatë gjithë periudhës para dhe pas zgjedhore me Komisionin Qendror të Zgjedhjeve, Komisionet Zonale si dhe është hetuar me precedencë 1 (një) procedim penal i referuar në Prokurori në lidhje me veprat penale që prekin zgjedhjet e lira dhe sistemin demokratik të zgjedhjeve konkretisht procedimi penal nr.182/2021 regjistruar për veprat penale të parashikuara nga nenet 325 dhe 329 të K.Penal, i cili është perfunduar.

- Po kështu në zbatim të Udhezimit të Përgjithshëm nr.03, dt.29.12.2016 “*Per ndarjen e çështjeve në prokurori*” ka vazhduar në mënyrë të rregullt përdorimi i shortit elektronik në shpërndarjen e çështjeve si dhe i manual në rastet kur shpërndarja është e pamundur në mënyrë elektronike. Me konkretisht kjo e fundit është zbatuar për kërkesat e veçanta që lidhen me kërkesat në fazën e egzekutimit të vendimeve dhe të të denuarve.

- Në zbatim të Udhezimit të Përgjithshëm nr.08/2020, ndryshuar me Udhezimim nr.06/2021 “*Per shpenzimet procedurale*” ka filluar aplikimi i raportimit periodik të shpenzimeve procedurale nga Zyra e Financës së Prokurorisë në Drejtorinë Ekonomike dhe Financiare në Prokurorinë e Përgjithshme

- Prokurorët kanë bërë përpjekje që në zbatim të Udhezimit të Përgjithshëm nr.05/2020 të përmirësojnë shërbimet e ekspertizës në funksion të një hetimi sa më profesional kryesisht në fushën e krimeve ekonomiko-financiare, të shkeljes së rregullave të qarkullimit rrugor dhe në të gjitha rastet e tjera ku kërkohej ky shërbim dhe kjo gjë ka ndikuar në rritjen e efektivitetit të ndjekjes penale.

- Për forcimin e respektimit të të drejtave të njërit:

Aplikimi i denimeve alternative për vepra penale dhe autore me rrezikshmeri të ulët ka qenë një nga politikat e ndjekura në këtë drejtim..

- Janë **124 (njëqinde e njëzete kater)** kërkesa të prokurorit për dhenien e denimeve alternative, neni 59 dhe neni 63, për autore dhe vepra penale me rrezikshmeri të ulët shoqërore duke shënuar ulje (16 me pak) në krahasim me të njëjtën periudhë të vitit të kaluar.

Në **4 (kater)** raste është vendosur shmangja nga denimi e të miturve autore të veprës penale. Hetimet për këtë kategori personash kanë përfunduar brenda afateve të parashikuara në ligj. Janë garantuar të drejtat procedurale të të miturve, deshmata dhe viktimat të veprës penale. Ndihmese e madhe në këtë drejtim ka qenë edhe puna e koordinatorëve të viktimave të cilët me përvojën e tyre i kanë krijuar kesaj kategorie një ambient me të përshtatshëm.

- Janë ndjekur me prioritet rastet e procedimeve penale për veprën penale “Dhuna në familje” parashikuar nga neni 130/a të K.Penal, janë **29 (njëzete nente)** procedime penale të hetuara për këtë veprë penale. Për **19 (nentembedhjetë)** procedime me **19 (nentembedhjetë)** autore, nga të cilët

17 (shtetembedhjetë) te arrestuar janë përfunduar hetimet dhe janë dërguar për gjykim. Janë gjithashtu 4 (kater) raste për veprën penale “Përndjekja” sipas nenit 121/a të K.Penal me 2 (dy) autore të arrestuar për të cilët kanë përfunduar hetimet dhe janë dërguar për gjykim.

- Prokurori dhe oficeri i policisë gjyqësore që trajtojnë çështjet e të Miturve i janë nënshtruar trainimeve me qëllim administrimin sa më të mirë të kësaj kategorie.

Për forcimin e bashkepunimit ndërinstitucional :

- Janë përmiresuar ndjeshëm raportet me Policinë e Shtetit. Këtë e tregon edhe fakti që në b/punim këtë vit kemi arritur të realizojmë me sukses një numër jo të vogël **procedime proaktive** me një numër shumë të lartë personash të proceduar dhe të arrestuar.

- Është rritur b/punimi edhe me organizma të tjerë ligjzbatues në veçanti me Prokurorinë e Posaçme SPAK me të cilën është shkëmbyer informacion për çështje të ndryshme në hetim si dhe janë kryer trainime të përbashkëta për tema që lidhen me luftën kundër korrupsionit dhe veprave të tjera penale, sidomos ato në fushën e narkotikeve të cilat kanë pasur një përhapje të gjërë në territorin ku ushtron funksionet kjo Prokurori. Përsa i përket trainimit të prokurorëve dhe oficerëve të policisë gjyqësore për këtë kategori veprash penale rezultojnë se prokurorë dhe oficerë të kësaj prokurorie kanë ndjekur online tema të vecanta në trainimin vazhdueshëm në Shkollën e Magjistratës por edhe në aktivitete të organizuara nga organizma të vecanta vendas dhe të huaja që merren me këtë aktivitet, përfshi këtu Ministrinë e Drejtësisë, Euralius, Opdat etj. Është rritur gjithashtu b/punimi me Zyren e Inspektorit të Lartë të Drejtësisë duke i vënë në dispozicion të gjitha materialet e kërkuara në rastin e ankesave nga qytetarët si dhe me Këshillin e Lartë të Prokurorisë në shkëmbimin e opinionëve për mënyrën e vlerësimit të Prokurorëve dhe në fusha të tjera.

Në këtë kuader rëndësi e vecantë u është kushtuar çështjeve më problematike që shqetësojnë komunitetin e këtij rrethi që janë veprat penale **kundër pasurisë dhe në sferën ekonomike**, veprat penale **kundër rendit dhe sigurisë publike** ku prioritet kanë qenë veprat penale në fushën e **narkotikeve dhe ato që lidhen me prodhimin dhe mbajtjen pa leje të armëve luftarakë dhe municionit**, kryesisht të lendeve plasuese, veprat penale në fushën e veprimtarisë shtetërore të kryera nga nëpunësit shtetërorë, veprat penale kundër fëmijëve, martesës dhe familjes, veprat penale kundër mjedisit etj.

Duke zbatuar detyrimin kushtetues si autoriteti i vetëm për ushtrimin e ndjekjes penale, kemi qenë të angazhuar për të kryer një hetim sa më të plotë dhe të gjithanshëm, për të gjitha procedimet e trajtuara gjatë këtij viti duke u dhënë përparesi hetimeve proaktive në veprat penale që lidhen me detyrën të zyrtarëve të shtetit në nivel vendor dhe në veçanti në hetimin e veprave penale në fushën e narkotikeve të cilat në rrethin tonë rezultojnë me përhapje jo të vogël. Në këtë kuader janë kryer hetime serioze për të përcaktuar përgjegjësinë që kanë drejtuesit dhe nëpunësit vendorë në kontrollin e territorit që mbulojnë për të mos lejuar ushtrimin e aktiviteteve të paligjshme në fushën e narkotikeve dhe të mjedisit si dhe në sigurinë jetes dhe shëndetit të qytetarëve. Në vitin 2021 kjo Prokurori ka regjistruar kryesisht procedimin penal nr.731 për veprën penale “ Ndotja e ajrit , ujërave dhe tokës ” sipas nenit 201/a të K.Penal dhe në kuader të këtij procedimi janë vënë në hetim dy funksionarë të Ujësjetës-Kanalizimeve të Bashkisë Krujë dhe një funksionar i Drejtorisë së Shëndetit Publik të cilët me vendim të gjykatës janë pezulluar nga detyra.

Po kështu janë bërë përpjekje për të rritur nivelin e përfundimit të akuzës në gjykim, për të ekzekutuar në kohë vendimet penale të gjykatave, për të mbikëqyrur në vazhdimësi vuajtjen e dënimit

të të dënuarve si dhe për të bashkerenduar punën me të gjithë aktorët e tjerë të luftes kundër kriminalitetit përfshi këtu Policine e Shtetit dhe organet e tjera ligjzbatuese. Rëndesi i është kushtuar edhe përmbushjes së detyrimëve lidhur me mardhëniet juridiksionale me autoritetet e huaja në fushën e zbatimit të leterporosive, ekstradimeve, njohjes së vendimeve penale të huaja etj.

Krahas kësaj, në përputhje me detyrimet e parashikuara shprehimisht në Kushtetutë dhe në ligjin procedural penal jemi përpjekur që në veprimtarinë tonë të respektojmë të gjitha kërkesat e një procesi të rregullt ligjor si ndaj personave të dyshuar si autorë të veprave penale duke u garantuar të gjitha të drejtat që iu njeh ligji dhe duke ndërhyrë në të gjitha rastet kur të drejtat e tyre janë cënuar nga organe të tjera edhe ndaj viktimave të ketyre veprave duke u dhënë prioritet shtresave me vunerabel të shoqërisë si të miturve, grave apo personave që nuk kanë mundësi për tu mbrojtur.

Për veprat penale të rënda me ndjeshmëri të madhe në opinionin publik e shoqëror të përmendura me sipër kemi bërë përpjekje serioze që hetimet t'i përfundojmë shpejt e me cilësi, duke zbatuar një politikë ndëshkimi në përputhje me rëndësinë e faktit dhe efektet për parandalimin e tyre me qëllimin e vetëm për të garantuar një jetë të sigurtë dhe me sa më pak probleme për komunitetin.

Gjatë vitit 2021 kanë dale disa Urdhëra dhe Udhezime të Prokurorit të Përgjithshëm të cilat nëse do të implementohen me rigorozitet dhe përgjegjshmeri do të shërbejnë si pika referimi dhe do të luajnë një rol të nadh në përmirësimin e punëve. Në këtë kuader për të bërë keto urdhera dhe Udhezime sa më të zbatueshme Drejtuesi i Prokurorisë ka nxjerre edhe 2 (dy) Udhezime të përgjithshme ku janë përcaktuar detyrat konkrete për prokuroret, oficerët e policisë gjyqësore dhe personelin tjetër të Prokurorisë në funksion të këtij zbatimi. Po kështu në 5 (pese) raste janë nxjerre udhezime për çështje të veçanta si dhe është kërkuar informacion në lidhje me ecirine e procedimeve në shume raste.


Gjatë këtij viti që po analizojmë ka vazhduar implementimi i ligjeve të reja në kuadrin e Reformës në Drejtësi të cilat kanë sjelle shume ndryshime në aktivitetin procedural të Organit të Prokurorisë. Në këtë kuader janë bërë përpjekje serioze për të garantuar pavarësinë e prokuroreve në vendimarrje dhe janë ndertuar raporte të reja ndërmjet tyre dhe drejtuesit të Prokurorisë. Po kështu rëndësi e vecante i është kushtuar zbatimit në praktike të risive të reja që ka sjelle ndryshimi i K.Pr.Penale.

- Gjatë këtij viti të cilin po analizojmë kjo Zyrë ka ushtruar ndjekjen penale për 700 procedime nga 1011 të vitit 2020 si dhe për 414 (195+219) persona të pandehur dhe nën hetim nga 529 të vitit **2020**. Nga sa shihet ka një ulje të numrit të çështjeve penale të regjistruara dhe gjithashtu ulje të personave të proceduar.


Në një këndvështrim të përgjithshëm shihet qartë se veprat penale më të përhapura gjatë këtij viti kanë qenë veprat penale kundër rendit dhe sigurisë publike gjithësej 319 procedime nga të cilat 179 procedime për “Kultivim të bimëve narkotike”, parashikuar nga neni 284 i K.Penal, 22 procedime për “Prodhim dhe shitje të narkotikeve”, parashikuar nga neni 283 i K.Penal, 46 procedime për “Shkelje të rregullave të qarkullimit rrugor” parashikuar nga neni 290 i K.Penal, 44 procedime për veprën penale “Drejtimi automjeteve në mënyrë të parregullt “ parashikuar nga neni 291 i K.Penal, 10 procedime për nenin 278 të K.Penal, 9 procedime për nenin 275 të K.Penal, 2 procedime për nenin 277 të K.Penal dhe 2 procedime për nenin 287 të K.Penal etj, veprat penale kundër pasurisë dhe në sferën ekonomike gjithësej 235 procedime ku numrin më të madh e zënë ato të parashikuara nga neni 134 i K.Penal (vjedhje pasurisë) 87 procedime, neni 137 i Kodit Penal (Vjedhje energjis elektrike) 15

procedime , veprat penale kundër jetes dhe shendetit 81 procedime, veprat penale qe cenojne regjimin juridik te tokes dhe te ndertimeve 72 procedime, neni 150-162 (shkatërrimi prones) 33 procedime, neni 143 i Kodit Penal (mashtrimi) 10 procedime, veprat penale kundër drejtesise gjithësej 17 procedime, , veprat penale kundër veprimtarise shtetere te krvera nga punonjësit shtetëror gjithësej 16 procedime ku të gjithë numrin e zene ato te parashikuara nga neni 248 i K.Penal (Shpërdorimi i detyres) 16 procedime.

Më poshtë paraqitet në mënyrë grafike përhapja e veprave penale në rrethin e Krujës gjatë vitit **2021** dhe krahasimin e tyre me vitin **2020** për te pare me mire tendencat për cdo grup veprave penale.




Veprat penale krahasuar me vitin **2020** :



Konkretisht, figurat e veprave penale më të përhapura janë si më poshtë:

Sipas Neneve

■ Neni 284 I K.Penal (179 Procedime)	■ Neni 283 I K.Penal (22 Procedime)
■ Neni 290 I K.Penal (46 Procedime)	■ Neni 291 I K.Penal (44 Procedime)
■ Neni 278 I K.Penal (10 Procedime)	■ Neni 248 I K.Penal (16 Procedime)
■ Neni 134 I K.Penal (87 Procedime)	■ Neni 130/a I K.Penal (29 Procedime)
■ Neni 150-162 I K.Penal (33 Procedime)	■ Nene te tjera (234 Procedime)



Ajo që bie në sy këtë vit është fakti se me përjashtim të veprave penale kundër jetës dhe shëndetit të cilat kanë pësuar rritje, gati janë dyfishuar gjithë grupveprat e tjera në rënie.

Hetimet e kryera për këto kategori veprash penale tregojnë se shkaqet e përhapjes së tyre janë të ndryshme, sociale dhe ekonomike, probleme të mosfunksionimit të organeve të qeverisjes vendore dhe organizmave të tjerë ligjzbatues, probleme të infrastrukturës dhe edukimit të pamjaftueshëm në respektimin e rregullave të qarkullimit rrugor nga drejtuesit e mjeteve, por edhe nga shtetasit, mosfunksionimi i rregullt i strukturave të ndryshme shtetërore që mbikqyrin veprimtari të palejuara dhe në shkelje të ligjit, etj. Po kështu edhe kontigjenti i personave që kanë kryer këto vepra penale rezulton të jetë kryesisht i moshës 18-60 vjeç me nivel të ulët arsimor dhe kulturor, kryesisht banorë të Njësisë Administrative të fshatrave përreth qytetit të Fushe-Krujes dhe në Malesinë e Krujes. Numri i personave me arsim të lartë të dyshuar apo të akuzuar si autorë të veprave penale është i ulët dhe kryesisht janë punonjës të administratës vendore që janë akuzuar për vepra penale në lidhje me detyrën e tyre.


Në regjistrat e kësaj prokurorie janë regjistruar për **vitin 2021** gjithsej **700** procedime penale me **414** persona të pandehur dhe nën hetim prej të cilëve **125** kanë qenë me masë sigurimi “Arrest në burg”.

Nga viti 2020 janë mbartur gjithsej **638** procedime penale me **102** persona të pandehur dhe **272** persona nën hetim nga të cilët **28** kanë qenë me masë sigurimi “Arrest në burg”.

NË TOTAL:

Në vitin 2021 duke përfshirë edhe çështjet e mbartura është ushtruar ndjekja penale në hetimin paraprak për **1338** procedime penale me **321** persona të pandehur dhe **467** persona nën hetim, ndër të cilët **153** kanë qenë me masë sigurimi “Arrest në burg”, ndërsa pjesa tjetër janë ndjekur me masë të tjera sigurimi.

Më poshtë paraqitet grafikisht krahasimi mes numrit të çështjeve të përfunduara gjatë vitit **2021** dhe **2020**, sipas mënyrës së përfundimit:



Për vitin 2021 është vendosur mosfillimi për **211** materiale kallezues. Për të gjitha këto raste është treguar kujdesi i duhur që vendimi të merret mbasi të jenë kryer verifikimet e nevojshme dhe brenda afatit të përcaktuar në ligj. Përgjithësisht është respektuar ky afat me përjashtim të rasteve kur vonesat kanë ardhur për shkaqe objektive, siç është rasti i vonesave të akteve të ekspërtimit kryesisht mjekoligjore etj, por në raste të veçanta edhe për neglizhencë nga oficerët e policisë gjyqësore të ngarkuar për të kryer verifikimet apo edhe nga vetë prokurorët. Mendojmë se politika e ndjekur në rastet e vendimeve të mosfillimit ka shërbyer jo vetëm për të mos harxhuar energji të panevojshme, por edhe për të parandaluar fillimin e ndjekjes penale ndaj personave të cilët në fakt nuk dyshohen të kenë kryer ndonjë vepër penale. Në zbatim të detyrimeve të ligjit procedural penal të gjithë personave të interesuar u janë komunikuar vendimet e mosfillimit duke u dhënë atyre mundësinë për të ushtruar të drejtën e ankimit në Gjykatë.

Nga procedimet penale të mosfilluara janë ankimuar në Gjykatë **20** prej tyre. Gjykata ka lënë në fuqi vendimet e mosfillimit në **12** raste, **2** raste janë shfuqizuar. Rastet e tjera janë ende në gjykim.

Gjatë vitit 2021 janë transferuar **8** procedime penale me **11** të pandehur/persona nën hetim dhe **2** të arrestuar. Kryesisht procedimet penale të transferuara janë derguar në Prokurorinë Pranë Gjykatës së Shkallës së Parë Tiranë por edhe në Prokurori të tjera për shkak të kompetencës tokësore.

HETIMI PARAPRAK

Për vitin 2021 treguesit e arrestimeve në flagrancë dhe ndalimeve të kryera ndaj shtetasve të dyshuar si autorë të veprave penale të ndryshme paraqiten si me poshtë:

Janë arrestuar në flagrancë nga Policia Gjyqësore **218** persona.

Është nxjerrë urdhër ndalimi nga Prokurori/policia gjyqësore për **4** shtetas.

Në Gjykatë janë dërguar për vleftësimin e arrestit apo të ndalimit **222** persona dhe Gjykata i ka vlerësuar te ligjshme te gjitha kerkesat e prokurorit.

Për këta tregues është kërkuar respektimi me korrektesë i kriterëve të përcaktuara në ligjin procedural penal si dhe garantimi i të drejtave të personave që u është hequr liria duke kushtuar një kujdes të veçantë sidomos për respektimin e garancive që u siguron ligji personave të mitur. Në analizën e treguesve bie në sy fakti se te gjitha kerkesat e paraqitura nga prokurori janë vlerësuar te ligjshme nga Gjykata e Shkallës së Parë. Kjo tregon se konsultimi paraprak i oficerëve te policisë gjyqësore qe kryejne arrestet dhe ndalimet me prokuroret e gatshem qe tashme është një norme ne aktivitetin tone ka dhënë rezulttatet e deshiruara.

Prokuroret kanë kërkuar caktimin e e mases se sigurimit “ arrest në burg” për **127** persona ndërsa nga Gjykata është caktuar kjo masë vetëm për **113** persona.

PROCEDIMET PENALE TË PUSHUARA

Janë pushuar gjatë kësaj periudhe kohore **110** ceshtje, **18** ceshtje me pak se ne vitin 2020 me **63** persona nen hetim. Nga keto :

✚ **1** procedime janë pushuar për mungesë të faktit penal.

✚ **7** procedime për mungesë të provave të mjaftueshme.

✚ **102** procedime për shkaqe të tjera procedurale

Cështjet e pushuara zënë rreth **17 %** të numrit të përgjithshëm të çështjeve të përfunduara në periudhën 1 vjeçare (në këtë llogaritje nuk përfshihen çështjet e transferuara dhe ceshtjet e pushuara për shkak te parashkrimit).

Numri më i madh i çështjeve të pushuara sic shihet është “*për shkaqe të tjera procedurale*”, gjithsej **102** çështje ndër të cilat vendin kryesor e zënë ato që kanë të bëjnë me mungesen e elementeve te vepres penale, si dhe heqjen dorë nga ankimi prej të dëmtuarve për ato procedime ku ndjekja penale është e kushtëzuar nga vullneti i tij.

Çështjet e pushuara për mungesë të provave, janë gjithsej **7** çështje. Duke analizuar procedimet e pushuara për mungesë të faktit dhe të elementëve të veprës penale arrihet ne konkluzionin se është e nevojshme qe gjatë fazes për verifikimin paraprak te materialeve kallezuese duhet bërë një vlerësim sa me i drejtë i fakteve të paraqitura në keto materiale për te shmangur regjistrimin e procedimeve kur nuk është i nevojshem. Ne numerin e përgjithshem te pushimeve janë te përfshira vendimet e pushimit **37** gjithësej dhe rastet e kerkesave për pushim ne gjykate gjithësej **73** kerkesa nga te cilat për **32** ceshtje është pranuar kerkesa, ne **11** raste është vendosur kthimi akteve dhe vazhdimi i hetimeve. Ne rastet e kthimit te akteve per çeshtjet e derguara me kerkese per pushim ju eshte terhequr vemendja prokuroreve dhe oficerëve te policise gjyqësore qe te bejne kujdes ne fazen e hetimit paraprak per te kryer te gjitha veprimet e mundshme hetimore perpara se kerkesa te dergohet ne Gjykate.

PROCEDIMET PENALE TE PEZULLUARA

Gjatë vitit 2021 janë pezulluar **332** procedime penale ose **50%** e çështjeve të përfunduara , pothuajse dyfishin më pak ne krahasim me vitin **2020** ku numeri i çështjeve te pezulluara ka qenë **508** te tilla. Numrin më të madh të procedimeve penale të pezulluara e zënë procedimet për veprën penale të kultivimit të bimeve narkotike kjo për shkak te kultivimit te ketyre bimeve ne toka pa pronar por edhe për pune te pamjaftueshme nga strukturat e shtetit për identifikimin e parcelave ku kultivohen keto bime , përfshi këtu policine dhe organet e pushtetit vendor si dhe për veprën penale “Vjedhja” (neni 134 i K.Penal)

Ajo qe konstatohet këtë vit është fakti se është ulur ne menyre te ndjeshme numeri i procedimeve te regjistruara për nenin 284 te K.Penal nga **297** ne vitin 2020 ne **159** ne vitin 2021 çka tregon se politika penale e ndjekur per kete fenomen shume te perhapur ne teritorin tone ka dhene efektet e veta.

CESHTJET ME TË MITUR

Ne Prokurorine e Rrethit Gjyqesor Kruje funksionon Seksioni për te Mitur i cili ka ne përberje te tij një prokuror dhe një oficer te Policisë Gjyqësore . Aktualisht ky seksion po funksionon normalisht mbasi një ndihmese te madhe ka dhënë edhe prania e kordinatores për asistence ndaj subjekteve me status te posaçem.

Për vitin 2021 nga ky Seksion janë trajtuar gjithësej **19** procedime, me **17** persona nen hetim (te mitur ne konflikt me ligjin) te gjithë te gjinise mashkullore, nga keta 3 (tre) persona jane ndjekur ne masen e sigurimit “arrest ne burg”njeri nga keta “arrest ne mungese” , **6** (gjashte) persona janë ndjekur me masen e sigurimit “arrest ne shtepi”, kjo për shkak se akuza ka qenë për vepra te renda penale si “Plagosja e rende me dashje”, “Vjedhje me arme” dhe “vjedhje me dhunë” sipas neneve, 88/2, 139-25 dhe 140 te K.Penal, te tjerët janë hetuar pa masa sigurimi. Nga keto për **4** çështje është vendosur pushimi , **1** çështje është vendosur pezullimi, **1** çështje është vendosur transferimi dhe **5** çështje janë derguar për gjykim me te pandehur te mitur për veprat penale “Plagosje e rëndë”, parashikuar nga neni 88, “Vjedhje me dhunë” parashikuar nga neni 139 i K.Penal, “Vjedhje me arme” parashikuar nga neni 140 i K.Penal dhe “Kultivim të bimëve narkotike” sipas nenit 284 te K.Penal, nderkohe qe vazhdon hetimi për çështjet e tjera. Ne katër rastet e pushimit te çështjes është aplikikuar masa alternative “**paralajmerim me shkrim**”. Përveç sa sipër për **4** (katër) materiale kallezues me viktime te mitur është vendosur mosfillimi i çështjes. Aktualisht jane ne hetim edhe **8** (tete) procedime penale. Ne zbatim te Urdherit nr.87, dt.28.07.2021 te Prokurorit te Pergjithshem “ *Per miratimin e rregullave per perdorimim e Sistemit te Integruar te te Dhenave te Drejtesise Penale per te Mitur*”eshte implementuar hedhja e ketyre te dhenave ne sistemin elektronik, risi kjo ne aktivitetn e Prokurorise.

PROCEDIMET E DËRGUARA PËR GJYKIM

Në vitin 2021 janë dërguar për gjykim **209** procedime penale, **62** çështje më pak se vitin e kaluar, me **241** të pandehur nga të cilët **83** të arrestuar dhe pjesa tjetër të ndjekur me masa të tjera

sigurimi. Procedimet penale të dërguara për gjykim zënë rreth **33 %** të numrit të përgjithshëm të procedimeve penale të përfunduara .

Nga kërkesat e dërguara për gjykim **5** raste i përkasin gjykimit me mareveshje.

Gjatë vitit 2021 nuk kemi asnjë rast të kallzuar nga ILDKP-ja, nuk kemi të regjistruar asnjë procedim penal mbi bazën e kallezimit të Kontrollit të Lartë të Shtetit apo Sektorit të Dekriminalizimit në Prokurorinë e Përgjithshme mbasi nga këto Institucione nuk është referuar asnjë rast i tillë në këtë Prokurori. Në një masë të madhe procedimet penale janë regjistruar mbi bazën e materialeve të referuara nga organet e Policisë së Shtetit, pjesa tjetër nga kallezimet e qytetarëve në Prokurori dhe në raste me të pakta nga insitucinet e tjera publike dhe private, në një rast hetimet janë filluar kryesisht nga prokurori. Nuk kemi asnjë rast të trajtuar mbi bazën e Rekomandimeve të Avokatit të Popullit apo të Institucioneve të tjera shtetërore dhe organizatave jo fitimprurëse në fushën e mbrojtjes së të drjetave të njeriut.

Në TOTAL në vitin **2021** :

Janë përfunduar **659** procedime penale me **322 (248+74)** persona të pandehur/ nën hetim nga të cilët **85** të arrestuar.

Kanë mbetur në hetim **679** procedimi nga **638** procedime të vitit 2020 me **71** të arrestuar. Siç shihet janë **41** procedime me shumë se vitin e kaluar. Edhe këtë vit mbetet i lartë numri i çështjeve të mbartura (+ 41). Arsytet e kësaj lidhen me një sërë shkaqesh objektive, se pari këtë vit janë larguar dy prokurorë njëri i shkarkuar nga KLP dhe tjetri me leje lindje të cilët kanë dorezuar një numër të lartë çështjesh rreth **400** çështje që u janë shpërndarë tre prokurorëve efektive në këtë Prokurori njëri prej të cilëve ka filluar punë në shtator të vitit 2021, së dyti ndikim ka ushtruar edhe fakti që kemi punuar në kushtet e një pandemie që ka prekur të gjithë vendin. Gjithësesi nëse organizimi i punës do të ishte më eficient rezultatet do të ishin me të mira.

Objektivi ynë për çështjet e mbartura është që të përfundojnë në një periudhë sa më të shkurtër mundësisht brenda gjashtë muajve të parë të vitit **2022**.

Është me vend të përmendim se gjatë këtij viti janë konstatuar zgjatje të panevojshme të afatit të hetimit për procedime të caktuara për shkaqe subjektive, për moskryerje të detyrave nga oficerët e policisë gjyqësore dhe mungesë kontrolli nga prokurorët e çështjeve. Fakti që janë zgjatur afatet e hetimeve deri në tre muaj për **154** procedime me **104** të pandehur ose persona nën hetim nga të cilët **45** kanë qenë me masë sigurimi “arrest me burg” dhe mbi tre muaj për **41** procedime me **31** të pandehur nga të cilët **5** të arrestuar tregojnë se kërkohet më shumë vëmendje, më shumë kontroll nga prokurorët e çështjeve, por edhe nga drejtuesi i prokurorisë për të eliminuar zvarritjet dhe për të zgjidhur çështjet brenda afatave procedurale.

Treguesit e punës për secilin prej prokurorëve dhe oficerëve të policisë gjyqësore janë si më poshtë:

Prokurori	Procedime penale të përfunduara	Dërguar në gjyq	Pushuar	Pezulluar	Shpallur moskompetenca	Mbartur
Petrit Çano	25	16	2	7	0	6
Olgert Rumnici	58	20	5	32	1	92
Eliona Elezi	138	31	25	80	2	151
Florian Bonjaku	237	81	42	111	3	223
Florian Boriçi	201	61	31	102	2	207
Totali	659	209	110	332	8	679

Oficeri i Policisë Gjyqësore Arjan Resnja:

Ka trajtuar gjithsej **128** procedime, nga të cilat

- Te përfunduara **74** procedime.
- **37** janë referuar për dërgimin e procedimit në gjyq.
- **17** janë referuar për pezullim.
- **20** procedime referuar për pushim
- **54** procedime mbeten në hetim
- Referuar gjithashtu **15** materiale kalëzues për mosfillim procedimi dhe **1** material për regjistrim.

Vo. Ky oficer është edhe pjesë e seksionit të Egzekutimit të Vendimeve Penale dhe ka përballuar një ngarkesë të konsiderueshme edhe në këtë Seksion

Oficeri i Policisë Gjyqësore Rexhep Derveni:

Te trajtuara gjithsej **205** procedime

Ka përfunduar gjithsej **121** procedime, nga të cilat:

- 39** janë referuar për pushim procedimi.
- 52** janë referuar për dërgimin e procedimit në gjyq .
- 4** janë referuar për pezullim.
- 3** janë referuar për transferim.
- 23** janë referuar për mosfillim procedimi.
- 84** procedime mbeten në hetim.

Oficeri i Policisë Gjyqësore Elion Balla:

Ka trajtuar gjithsej **150** procedime, nga të cilat

- Te përfunduara **58** procedime.
- **30** janë referuar për dërgimin e procedimit në gjyq.
- **3** janë referuar për pezullim.
- **25** procedime referuar për pushim
- **92** procedime mbeten në hetim

- Referuar gjithashu 4 materiale kallezues per mosfillim procedimi.

Oficeri i Policisë Gjyqësore Dritan Kolgjoka emeruar ne kete Prokurori ne muajin prill 2021

Ka trajtuar gjithesej 50 procedime, nga të cilat

- Te perfunduara 40 procedime.
- 23 janë referuar për dërgimin e procedimit në gjyq.
- 7 janë referuar për pezullim.
- 2 jane referuar per transferim
- 8 procedime referuar per pushim
- 10 procedime mbeten ne hetim
- Referuar gjithashu 2 materiale kallezues per mosfillim procedimi dhe 2 materiale per regjistrim.

Oficeri i Policisë Gjyqësore Klevis Çifligu emeruar ne kete prokurori ne dt. 07.06.2021

Ka trajtuar gjithesej 130 procedime, nga të cilat

- Te perfunduara 65 procedime.
- 31 janë referuar për dërgimin e procedimit në gjyq.
- 5 janë referuar për pezullim.
- 29 procedime referuar per pushim
- 65 procedime mbeten ne hetim
- Referuar gjithashu 30 materiale kallezues per mosfillim procedimi dhe 5 materiale per regjistrim.

GJYKIMI

Për vitin 2021 ka përfunduar gjykimi për 224 procedime me 260 të pandehur nga të cilët 86 të arrestuar. Kanë mbetur të mbartura në gjykim 69 procedime penale.

Për 215 procedime është zhvilluar gjykim i shkurtuar.

Për 8 procedime është zhvilluar gjykim i zakonshëm.



Për 2 procedime është zhvilluar gjykim i drejtëpërdrejtë.

Nga prokurori është kërkuar dënimi me burgim për 134 të pandehur dhe nga Gjykata është caktuar dënimi me burgim për 130 të pandehur.

Për 17 të pandehur prokurori ka kërkuar dënimin me gjobë dhe nga gjykata janë dhënë dënime me gjobë për 16 të pandehur.

Ndërsa nga 107 kërkesa të prokurorit për pezullim të egzekutimit të vendimit Gjykata ka dhënë këtë lloj dënimi për 106 te tilla.

Më poshtë paraqiten grafikisht llojet e dënimeve të kërkuara nga prokurorët dhe mënyra se si ka vendosur gjykata.



Për vitin 2021 gjykata ka dhene pafajesi ne **4** raste.

Gjykata ka vendosur pushimin e procedimit gjatë gjykimit për **2** ceshtje.

Prokurori ka kërkuar ne **2** raste terheqje aktesh dhe gjykata ka vendosur në **2** raste kthimin e akteve.

Për fazën e gjykimit i është kushtuar rëndësi sigurimit të provave të mjaftueshme për të vërtetuar fajësinë e të pandehurve si dhe diferencimit të llojit dhe masës së dënimit në varësi të veprës penale të kryer.

Për veprat penale me rrezikshmëri të theksuar shoqërore, si ato kundër jetës dhe shëndetit, veprat penale në fushën e narkotikëve, vjedhjet, mashtrimet, shkeljet e rregullave të qarkullimit rrugor, etj. kërkesat tona për llojin dhe masën e dënimit kanë synuar ne parandalimin dhe ndëshkimin e këtyre veprave penale. Ky qendrim me sa konstatohet është reflektuar në kategorinë e veprave penale kundër jetës dhe shëndetit të cilat rezultojnë dy here me pak këtë vit në krahasim me vitin e kaluar por gjithashtu nga grafiket e pasqyruar në faqet e para të kësaj analize rezulton se veprat penale kundër rendit dhe sigurisë publike dhe ato kundër pasurisë kanë pësuar rritje në krahasim me një vit më parë çka do të thotë se prokurorët duhet të rishohin qendrimin e tyre në gjykatë për këto kategori veprash duke e bërë më fleksibël dhe duke e përshtatur me format dhe tendencat e kriminalitetit në rrethin tonë.

Gjatë vitit 2021 kanë qenë **5** rastet kur prokurorët kanë apeluar vendimin e Gjykatës për ndryshim akuze apo për lloj dhe masë dënimi.

Është ushtruar e drejta e ankimit edhe kundër vendimeve për masat e sigurimit në **2** raste nga prokurori të cilat vetëm një rast është pranuar nga Gjykata. Në **107** raste kanë ushtruar të drejtën e apelit të pandehurit dhe Gjykata ka rrefuzuar kërkesën e tyre në **55** raste.

EGZEKUTIMI I VENDIMEVE PENALE

Prokuroria e Rrethit Gjyqësor Krujë gjatë kësaj periudhe kohore ka kryer edhe detyrimet procedurale në fushën e egzekutimit të vendimeve penale. Prokurori **Florian Bonjaku** i ngarkuar me këtë detyrë ka urdhëruar egzekutimin e **188** vendimeve gjyqësore të formës së prerë.

Prej tyre:

Janë nxjerrë 51 urdhëra për egzekutimin e vendimeve me burgim nga të cilët janë egzekutuar **50** urdhëra.

Janë nxjerrë 10 urdhëra për egzekutimin e vendimeve me gjobë nga të cilët janë egzekutuar **3** urdhëra.

Janë nxjerrë 126+2=128 urdhëra për dënimet alternative të cilët rezultojnë të jenë egzekutuar **87** urdhëra.

Janë ekzekutuar gjithsej 140 urdhëra

Ngelen pa u ekzekutuar gjithsej 48 urdhëra

Gjithashtu janë kryer edhe detyrimet e tjera që lidhen me ankimet e palëve në Gjykatë gjatë fazës së egzekutimeve. Megjithatë ka përmirësime në krahasim me vitin e kaluar ende mbetet problem egzekutimi i dënimeve me gjobë, kjo kryesisht për shkak të objektivitetit (pamundësinë e pagimit të tyre nga personat e dënuar), por në ndonjë rast edhe për moskryerje të detyrës nga organet përmbarimore.

Po kështu gjatë këtij viti janë shqyrtuar në Gjykatë me pjesëmarrje të prokurorit edhe një numër i madh kërkesash të veçanta, gjithsej **133** (njëqind e tridhjetë e tre) një pjesë e të cilave kërkesa të të dënuarve që ndodhen në Institucionet e vuajtjes së dënimit në territorin që ushtron funksionet Prokuroria e Rrethit Gjyqësor Krujë.

Me konkretisht janë shqyrtuar **73** (shtatëdhjetë e tre) kërkesa për ***“Lirim me kusht”*** nga të cilat **45** (dyzetë e pesë) kërkesa janë rrefuzuar , për **12** (dymbëdhjetë) të tjera është shpallur

moskompetenca dhe jane ende ne gjykim 16(gjashtembdhjete) kerkesa, 20 (njezete) kerkesa për “**Qendrim ne shtepi**” nga te cilat 12(dymbdhjete) janë rrezuar, per 3 (tre) eshte shpallur moskompetenca dhe 5 (pese) janë ne proces, për “**Njohje te kohes se paraburgimit**” janë shqyrtuar 11(njembdhjete) kerkesa nga te cilat 8 (tete) jane rrezuar dhe per 3 (tre) eshte shpallur moskompetenca. Gjithashtu jane shqyrtuar 30 (tridhjete) kerkesa per “ **revokim denimi** “nga te cilat 27(njezete e shtate) jane pranuar dhe per 3 (tre) kerkesa eshte vendosur pushimi.

MARRDHENJËT JURIDIKSIONALE ME AUTORITETET E HUAJA

Kemi 2 (dy) raste njohje vendimi penal të huaj , 5(pese) leterporosi nga jashte dhe 2 (dy) raste ekstradimi për jashtë shtetit.

VEPRIMTARIA ADMINISTRATIVE

Gjatë vitit 2021 ne veprimtarine administrative te organit te Prokurorisë se Rrethit Gjyqesor Kruje janë reflektuar ndryshimet e ligjit “Për organizimin dhe funksionimin e Prokurorisë “ dhe ligjeve te tjera ne kuader te Reformes ne Drejtesi.

Ne këtë kuader është kërkuar zbatimi i Regullores “Për organizimin dhe funksionimin e Prokurorisë prane gjykates se shkalles se pare Kruje” te miratuar nga Prokurori i Përgjithshem me Urdherin nr.164 dt.18.12.2021 ne te cilen janë përcaktuar ne menyre specifike detyrat e cdo punonjësi te administrates. Me urdhera te brendshem dhe Udhezime te Përgjithshme te nxjerra nga Drejtuesi i Prokurorisë mbi bazen e Udhezimeve te derguara nga Prokurori i Përgjithshem është normuar puna për administrimin e regjistrave, për shpërndarjen e ceshtjeve nepërmjet shortit , për organizimin dhe koordinimin e punes ne prokurori, për te unifikuar praktiken e ndjekur nga prokuroret për realizimin e përgjimit, rregullat për administrimin dhe ruajtjen e dokumentacionit te përgjimit, për trajtimin e materialeve te klasifikuara nga personat qe e kanë këtë akses dhe ne menyre te vecante për zbatimin e detyrimeve qe rrjedhin nga K.Pr.Penale por edhe nga Udhezimi nr.05 dt. 26.10.2018 i Prokurorit te Përgjithshem “ Për garantimin e asistences ndaj viktimave dhe deshmitareve te vepres penale si dhe Udhezimit te Përgjithshem nr.17 dt. 23.12.2021 “Për hetimim dhe ndjekjen penale efektive te veprave penale kundër dhunes ndaj grave , dhunes ne familje dhe dhunes me baze urrejtje”. Është krijuar regjistri i komunikimeve te brendshme ne Prokurori i cili garanton transparencen e mardhenieve dhe respektimin e te drejtave dhe detyrimeve nga palet.

Nderkohe Memorandumi i Mirekuptimit ndermjet Prokurorisë se Përgjithshme dhe Drejtorise se Përgjithshme te Policisë se Shtetit nr.1460 prot, dt. 30.09.2021. zbatimi i te cilit do te lehtesonte punën e ketyre dy organeve ne lidhje me disa vepra penale te cilat mbingarkojne pa shkak punën e Prokurorisë duhet thene se **nuk ka gjetur zbatim** dhe kjo per shkak se nga organet e policise nuk kane bere detyrat e percaktuara ne kete Memorandum.

Këtë vit është realizuar një bashkëpunim më i mirë me Zyrrat Rajonale të Drejtorisë së Policisë Durrës vecanerisht ne Zyrrën Kundër Narkotikeve dhe rezultatet e arritura kanë qenë shume me te mira nderkohe qe konsatojme se Urdheresa e Drejtorit te Përgjithshem te Policisë se Shtetit nepemjet se ciles u delegohet Komisariateve te Policisë kyerja e hetimeve për kategori veprash penale si “Pastrimi i produkteve te vepres penale” etj nuk ka rezultuar efçente referuar kjo jo vetem kapaciteteteve

njerezore por edhe cilesise se oficerëve të policisë gjyqësore të Komisariateve krahasuar me ata të Zyrave Rajonale të Drejtorive të Policisë.

Gjatë vitit 2021 është treguar kujdes i vërtetë për të trajtuar me përparësi dhe efektivitet për tu ardhur sa më parë në ndihmë qytetarëve për shqetësimet e ngritura nga palët në proces, është kërkuar në vazhdimësi që prokurorët të jenë korrekt me qytetarët, me vartësit, me kolegët, të ruajnë një figurë të pastër etiko-morale duke i shërbyer në radhë të parë vetes, por edhe ruajtjes së një imazhi të pastër të Institucionit.. gjithësesi fakti që këtë vit shtetë larguar nga detyra me vendim të Këshillit të Lartë të Prokurorisë një prokuror për shkelje të disiplinës në punë duhet të shërbejë si një kambanë alarmi që fenomene të tilla të mos ndodhin në të ardhmen. Në funksion të kësaj në zbatim edhe të Udhezimit të Përgjithshëm “ *Per mardheniet me publikun*” prokurori i caktuar me këto detyra është përpjekur të bëjë transparencë për çështje sensitive që shqetësojnë komunitetin, rasti i ndotjes së ujit të pijshëm ku u helmuan një numër i madh qytetarësh, rasti i vjedhjes me dhunë në Nikel etj.

Është me vend të theksojmë edhe përkushtimin e treguar nga personeli administrativ i kësaj prokurorie, kryesekretari, sekretaret, punonjësit e pastrimit dhe shoferi, puna e të cilëve ka qenë mbështetje e rëndësishme për prokurorët dhe oficerët e Policisë Gjyqësore në ushtrim të detyrës së tyre, por edhe për qytetarët të cilëve u janë ofruar shërbime administrative të cilësisë së lartë. Për vitin **2021** janë shpenzuar në total në llogarinë 602 – **13.426.685** leke. Nder to vendin e kryesor e zënë shpenzimet honorare në vlerën **7.338.190** leke dhe shpenzimet për sigurinë dhe ruajtjen fizike të objektit të Prokurorisë në vlerë **4.753.075** leke. Diferenca prej **1.335.420** leke është shpenzuar për pagesat e ujit dhe të energjisë elektrike, shërbime për materiale zyre dhe transporti etj. Detyrimet e prapambetura janë pasqyruar në bilancin e vitit 2021 dhe kapin vlerën **290.000** leke. Theksojmë faktin se vlera prej **3.470.000** lekë (në llogarinë 602) është bërë likuidimi total i Mjeksisë-Ligjore. **Janë shlyer të gjitha detyrimet financiare për vitin 2021.** Për të gjitha rastet e gadishmërisë dhe mbikohës së punës të cilat janë evidentuar në mënyrë të plotë dhe kapin shifrën **928** orë për të cilën punonjësit e kësaj Prokurorie janë paguar.

Vlen të theksohet se këtë ngarkesë pune Prokuroria e Rrethit Gjyqësor Krujë e ka përballuar pjesën më të madhe të vitit me organike të cunguar por plotësimi nga Prokurori i Përgjithshëm i kërkesave për shtimin e numrit të oficerëve të policisë së Seksionit të Prokurorisë besojmë se do të përmirësojë punën

Nga analiza në tërësi e elementëve që u përmendën më lart, për të ardhmen prioritetet tona kryesore do të jenë:

1. Implementimi me sukses i gjithë ndryshimeve në K.Penal dhe K.Pr.Penale duke duke i dhënë përparësi pavarësisht se prokurorëve në vendimarrje por edhe aplikimit të instituteve të reja të parashikuara në këtto Kode.
2. Përfundimi në një kohë sa më të shkurter (mundësisht brenda gjashtë muajve të parë) i të gjitha çështjeve të mbartura nga viti **2021**.
3. Vazhdimi i ndjekjes me përparësi të procedimeve penale në fushën e kultivimit të bimeve narkotike me objektiv goditjen e tyre në kohë cka do të sjellë minimizimin e këtij fenomeni ,veprat penale në fushën e krimit ekonomik dhe korrupsionit, abuzimit me detyrën të nëpunësve shtetërorë, veprat penale kundër jetës, shëndetit, veprave penale të kalëzuara nga ILDKPI, Kontroll i Lartë i Shtetit dhe Sektori i Verifikimit të Integritetit të Personave të Zgjedhur në

Prokurorine e Përgjithshme, veprat penale kundër femijeve, martesës dhe familjes me objekt të vecantë veprat penale kundër dhunës në familje, veprat penale kundër rendit dhe sigurisë publike, në veçanti shkeljet e rregullave të qarkullimit rrugor dhe çdo lloj forme tjetër të krimit që konsiderohet shqetësuese për komunitetin ku ushtrojmë detyrën.

4. Trajtim rigoroz i çështjeve me autore dhe viktime të Mitur duke u dhënë përparësi interesit me të lartë të tyre, duke respektuar të gjitha rregullat e parashikuara në Kodin e Drejtësisë Penale për të Mitur dhe duke zbatuar një politikë ndjekje penale dhe denimi që ti shërbejë edukimit dhe integritetit të tyre në shoqëri.
5. Rritja e numrit të hetimeve proaktive dhe përdorimit të teknikave speciale të hetimit, kryerja e hetimeve sistematike pasurore për të gjitha rastet e parashikuara në ligj me synim sekuestrimin dhe konfiskimin e pasurive me burime kriminale.
6. Ndjekja në vazhdimësi e çështjeve për ngjarje kriminale të rënda të pezulluara në vitet e mëparshme dhe këtë kuader forcimi i bashkëpunimit me Policinë Gjyqësore dhe organet e tjera ligjzbatuese me qëllim për të mos lejuar askënd t'i shpetojë ndëshkimit ligjor për veprat e kryera.
7. Rritja e funksionit drejtues dhe kontrollues të prokurorit në hetimet paraprake të kryera nga Shërbimet e Policisë Gjyqësore.
8. Përmirësimi i organizimit, drejtimit dhe kontrollit brenda organit të Prokurorisë në përputhje me Ligjin nr.97/2016 “Për organizimin dhe funksionimin e Prokurorisë në Republikën e Shqipërisë”, si dhe “Rregullores Standarte të Organizimit dhe Funksionimit të Prokurorisë të Juridiksionit të Përgjithshëm” për tu përshtatur me ndryshimet e këtij ligji me synimin për t’ju përgjigjur në kohë dhe me cilësi kërkesave të luftës kundër kriminalitetit, forcimit të diplomes së brendshme dhe të vullnetit për të identifikuar çdo lloj problematike brenda organit dhe për ta goditur atë përpara se të ndodhë.
9. Respektimi i detyrimeve të ligjit procedural penal, rekomandimeve të Keshillit të Ministrave për luftën kundër kriminalitetit dhe Udhëzimeve të Prokurorit të Përgjithshëm në këtë drejtim.
10. Forcimi i bashkëpunimit ndër-institucional sidomos me Prokurorinë Kundër Krimit të Organizuar dhe Korrupsionit me qëllim shkëmbimin në një kohë sa më të shpejtë të informacionit për goditjen në kohë të të gjithë rasteve korruptive, me Policinë e Shtetit por edhe me të gjitha organet e tjera ligjzbatuese.
11. Rritja e profesionalizmit të prokurorëve kjo nëpërmjet ndjekjes së trainimeve vazhduese në Shkollën e Magjistratës si dhe ruajtja e një figure morale të pastër jashtë çdo ndikimi për të përfaqësuar në mënyrë dinjitoze Institucionin në raport me publikun, brenda dhe jashtë orarit të punës.

DREJTUESI I PROKURORISË
PETRIT ÇANO